

do, & florebit quasi liliū. Germinans germinabit, & exultabit letabunda, & laudans: Gloria Libani data est ei, decor Carmeli, & Saron.

In cujus verissima doctrina comprobationem, ultra prædictos Auctores, & ea quæ generaliter de jure primæ inventionis, & occupationis supra 87 retulimus, & expendi potest magis specialiter reg. tex. in d. §. fere, inst. de rer. div. ubi Balduin. quarit, an eadem semper manserit libertas occupandi loca deserta, & inculta, cujusmodi 88 passim multa sunt? & subdit: Et ego quidem crediderim, & adhuc esse debere industria premia, ut fiant occupantis, & excellentis, idque Reipub. utilius est.

Quibus adstipulatur, quod notanter insinuat Bartol. in l. rem que nobis, num. 4. ff. de acquir. poss. & in l. si duo, in fine princ. ff. uti possid. ni- 89 mirum, fundos, & qui nunquam apparent fuisse culti, præsumi debere, in nullius bonis fuisse, & sic primò occupanti concedi. Quam doctrinam sequitur Jas. ibidem n. 32. Bald. in rub. de præscript. col. 2. & ejus auctoritate motus tenuit magis notabiliter Aretin. in l. 1. in princip. 2. no- 90 tab. ff. de acq. poss. Quod & etiam si res immobili- sint intra territorium, vel districtum alicujus civitatis, vel Regni, si tamen non extat memoria, quod prædicta bona fuerint per aliquem culta, & occupata, non dicuntur esse populi, vel Principis, sed potius in nullius bonis esse judicabuntur & sic primò occupanti concedentur. Arque ita dicit se consulisse in causa Episcopi Mantuani, & de hac doctrina multum gloriatur, in d. l. rem, que nobis, & in cons. 15. incip. Re- 91 verendis. Domine Quæ tamen in specie ab eo proposita, & generaliter accepta, falsa quidem videtur, & ideo semper in præfati damnatur ut resolvunt Paul. Castrens. & Bart. Socin. in d. l. 1. ex num. 17. idem Castrens. cons. 259. in causa que vertitur, idem Socin. cons. 89. & cons. 12. Quia 92 & ex antiqua possessione, vel concessione territori, vel castri, quidquid intra illius fines includitur, ad Principem, vel urbem, cujus est castrum, pertinere videtur, ut colligitur ex l. ade sacra, §. fin. ff. de contrab. empt. Joan. Fab. in l. cunctos populos, C. de sacros. Eccles. Bald. in rub. C. de contrab. empt. vers. 22. quero, Corneo cons. 247. vol. 2. Oldrad. cons. 121. Chassan. in consuetud. Burg. rub. 9. §. 4. Gregor. Lop. in l. 7. tit. 20. par. 3. Avendañ. de exequend. mand. 1. p. cap. 4. num. 4. & 5. Bobadill. in Polit. l. 2. cap. 16. num. 52. & latissimè Mieres de majorat. 4. p. q. 20. ex num. 48. ubi practicabi- 93 liter docent, quòd si civitas, aut villa, vel domus vassallorum non habet territorium specialiter designatum, omnes terræ, sive sint herbidæ & incultæ, sive montuosæ ad Regem in dubio spectabunt, quas Hispano vocabulo, Realen- 94 gas nominare solemus: & in eis Reges suam intentionem fundatam habere videntur. Quod & apud antiquos obtinuisse non malè conjicere possumus ex Herodiano in vita Imp. Aëlii Pertinacis, ubi refert, eam quidquid in Italia, aut usquam gentium inculti soli esset, permississe occupantibus, colentibusque donata singulari beneficio immunitate decem annorum. Et ex Appian. Alexand. lib. 1. dum scribit, & decimam partem fructuum Reipub. solitam pendit pro ve-

digali eorum agrorum, qui deserti ad culturam redigerentur.

Planè & si hujusmodi terras à Regibus, civi- 96 tatibus vel aliis inferioribus dominis omninò derelictas fuisse, probari posset; tunc absque dubio dicendum esset, liberè & securè occupanti- 97 bus cedere. Qui enim res suas & deserit, aut pro derelicto habet, donare videtur, ideoque conti- nuò occupantium fiunt, l. 1. ff. pro derelicti. eisdem quippe & modis nostræ esse desinunt, qui- 98 bus acquiruntur, l. 2. & 9. §. hoc amplius, l. quacumque, §. ult. ff. de acquir. rer. dom. §. per. & ult. inst. de rer. div. l. quemadmodum, §. 1. ff. de noxal. act. l. quod servus, ubi Bartol. ff. de stipul. servor. l. 36. tit. 5. pag. 1. l. 49. tit. 28. p. 3. ubi Gregor. Lop. & in l. 26. tit. 31. p. 3. verb. Poblacion: Rip. in d. l. rem que nobis, num. 37. Aymo. Parmens. in tract. de jure allu- 99 vion. lib. 1. cap. 6. num. 9. Petr. Greg. lib. 20. Syntagm. cap. 2. num. 3. Petr. Gilkenius in tract. de præscript. 2. part. memb. 2. cap. 20. Calistus Remir. de lege Regia, §. 26. num. 55. Borrell. de Magistr. lib. 4. c. 12. Avendañ. d. c. 4. num. 7. vers. Hodie verò. Ubi resolvit & in multis Castel- 100 læ partibus vigere consuetudinem, quòd primò occupans terras, quas desertas, incultas, sive, ut dicunt, herbidas invenit, sibi eas in perpetuum acquirat.

Eamque & consuetudinem si immemoralis sit, 100 servandam esse affirmant plurimi Auctores, quos refert Aymon. Cravat. in tract. de antiq. temp. 4. p. num. 148. Covar. in regul. possessor. de regul. jur. in 6. 2. p. §. 3. num. 7. Guid. Pap. & ejus additionator, decis. 408. Burgos de Paz cons. 15. num. 12. cum sequent. Mascard. de probat. lib. 1. concl. 279. n. 11. & Mieres d. 4. part. 1. quest. 20. num. 52. in ultima impressione. Et esse 101 faciliorem & alienationem, & acquisitionem hu- jusmodi locorum, quàm aliorum, tradit Felin. in c. ad audientiam, de præscr. & Mandel. cons. 62. n. 33. lib. 1.

Eadem quoque ratione subsistit, & quod de 102 agris desertis habetur in l. quicumque 7. leg. ju- ra 14. C. de omn. agro deserto, dum statuunt, no- vis & possessoribus, & cultoribus post biennii 103 lapsum perpetuo, ac privato jure applicandos esse, velut si essent domestica & avita successione quæsitæ, ubi Bartol. Joan. de Platea, Jacob. Rebuff. & alii, & Ant. Cors. in sing. verb. Occupatio, merito notant, in eorum jurium specie & non 104 incidere occupantem in poenam l. si quis in tan- tam, & leg. cum quærebatur, C. unde vi, cum à prioribus dominis derelicta, & quoad possessionem, & dominium amissa, impunè ab aliis occu- 105 pari potuerint. Et quia agriculturæ favor, & tributorum, quæ ex illis prædiis solvenda erant Principi, vel Reipublicæ, suadebat, ne ea vacan- 106 tia, & inculta relinquerebantur.

Quapropter & illud inductum fuit, ut etiam cum mala fide, aut saltem cum scientia novi cultoris, qui alienum prædium occupavit, retentio, & præscriptio illius per spatium biennii concedatur, etsi admonitio veteris possessoris præcesse- rit, sex tantum menses habet ad repetendum agrum, quem incultum dimiserat. Ut habetur in d. l. locorum, & in aliis supra citatis, circa quas 107 & ultra Doctores ibidem, ita notanter signavit

Bart. in l. Celsus, ff. de ususcap. Felin. & Doct. per text. ibi in c. 1. de præscr. & in rub. eadem col. 4. vers. Non fallit: Jas. num. 33. Rip. c. 37. in d. l. rem que nobis; idem Rip. in tract. de pres- 108 te, n. 20. col. 2. idem Jas. in §. omnium, n. 72. inst. de action. Balb. in tract. de præscript. f. 231. col. 2. Montalv. in lib. 1. tit. 11. lib. 2. fori, & in l. 9. tit. 29. p. 3. Greg. Lop. in d. l. 49. tit. 28. p. 3. Covar. Reg. possessor. 2. part. §. 11. n. 8. Cujac. de divers. præscript. c. 18. & 21. & Petri. Gilken. d. tract. de præscript. 2. part. memb. 2. cap. 2. num. 7.

Et hoc modo & ac sensu acceptus hic titulus inventionis & occupationis, de quo sermonem inivimus, satis quidem securus & legitimus esse videtur. Neque ei officiant levia quadam & communia argumenta, quæ opponit Incognitus in libro Maris liberi, cap. 5. quibus aliter etiam responderet Seraph. Freit. de Imp. Asiæ. c. 3. 10. & 11. quem Lector adire, & cum his nostris scriptis componere facile poterit.

CAPUT VII.

De quarto titulo, qui ex barbaris, & incultis In- 109 dorum moribus ab aliquibus sumitur, ob id jus- ste debellari, & subjugari potuisse censentibus: Pro quorum opinione plurima latè, & novè considerantur.

SUMMARIUM.

- 1 Barbaricum & feritatem Indorum justum titulum præbere, videtur, ut bello domari, & suis imperiis pri- vati possint.
- 2 Auctores citantur, qui hunc titulum barbarismi, & feritatis Indorum probare videntur.
- 3 Barbarus nomen varias habet significaciones.
- 4 Barbaria provincia, que hodie dicitur Berberia, undè sic dicta, remissive.
- 5 Barbari proprie dicuntur, qui ingenio nimis obtuso & fero sunt, & à naturali rationis regulari deviant.
- 6 Barbarus nominis etymologia.
- 7 Barbari ut bruti furioso impetu ducuntur ad ea, que appetunt.
- 8 Ferarum nomen cur impostum sit brutis animalibus.
- 9 Bruta animalia nihil habent rationis, que prudentia, ut falso quidam existimantur.
- 10 Rever. P. M. Fr. Anton. Peseñus Benedictinus lau- datur.
- 11 Bruta an loqui possint, vel humanum sermonem intel- ligere, remissive.
- 12 Bruti proprie non dicuntur inferri vis, aut injuriæ.
- 13 Barbari, & impoliti homines bruti equiparantur, & sub eorum appellatione in scriptura, & aliis Aucto- ribus designantur.
- 14 Saraceni bestias appellavit Oldrad.
- 15 Alphonsus Aragonie Rex barbaros non homines, sed homines cum Ennio appellabat.
- 16 Homines non ex solo aspectu, aut forma, sed ex ra- tione prius judicandi sunt, que eos Deo similes, & aliorum animalium dominos reddi.
- 17 Homo dicitur parvus mundus, quia de natura omnium creaturarum mundi participat, & quomodo.
- 18 Auctores plures congeruntur, qui de natura, & diffi- nitione hominis agunt.
- 19 Lex in pecudum, ff. de usur, lex justissime, de rell. edict. & §. in pecudum, inst. de rer. divis. exor- nantur, & num. 55. Blasius Rolles de Salcedo citatur, & laudatur, ibidem.
- 20 Natura varias quotidie formas edere conatur.
- 21 Monstra plura, humanam effigiem referentia, reperta

- sunt, tam terrestria, tum marina, & aerea, & qui de eis agant.
- 22 Ciceronis locus expenditur, ubi hominum, & bellua- rum discrimen eleganter proponit.
- 23 Homines barbari, & indoliti appellatione hominum digni non videntur, & lignis ac lapidibus compa- rantur, & num. 25.
- 24 Pana tolerabilior est, vivere non posse, quam scire.
- 25 Insuper homo plus quam bellua intelligendus.
- 26 Bœtii carmina referuntur, in quibus hominum, & belluarum discrimen apponit.
- 27 Indi Occidentales, ut plurimum barbari, xyloestres, & belluis ferè similes erant.
- 28 Indorum Occidentium barbaries, feritas, & rusticita- tas testimoniis plurimorum auctorum comproba- tur.
- 29 Josephi Acoræ de Indorum Occidentalium ruditate, & feritate judicium.
- 30 Ludovicus Legionensis graviter exprimit feritatem, barbarismum, & incultos mores Indorum Occidenta- lium.
- 31 Joannes Boterus plura de Indorum Occidentalium bar- barie, & incapacitate recenset.
- 32 Indi aliqui reperti sunt, qui ultra quinque numerare nesciebant.
- 33 Thom. Bocius Eugubini Indorum Occidentalium bar- bariem, & incultos, ac ferinos mores rapissime exaggerat.
- 34 Indos omnes Occidentales barbaros, squalidos, & ab- jectissimos esse scribit Fr. Gregor. Garcia Domi- nican.
- 35 Anton. Herrera multa passim prodiit de barbarie & fer- ritate Indorum Occidentalium.
- 36 Indi insula Hispaniæ & Cuba, & alii, ob rudita- tem & memorie defectum nihil, aut parum in disci- plina Christiana proficiebant.
- 37 Indi plures in montibus, & speluncis se absconde- bant, ad Christi doctrinam suaderentur.
- 38 Indos olim nonnulli peros homines non esse, nec fidei Christiane capaces, sibi persuaserunt.
- 39 Indorum eximiam & insuperabilem barbariam, ac fer- ritatem, & alia plurima animi, & corporis vitia coram Imper. Carol. V. Episcopus Dariensis, Fr. Thom. Orticus, & alii vehementer exaggerarunt.
- 40 Indi barbari sibi explabant, corpora pingebant, agro- tas deterebant, & ab humanis & politis moribus abhorrebant.
- 41 Caribes, Canibales, & Chichimeci, & Chontales om- nium ferissimos, & barbarissimos sunt.
- 42 Indi navigia Hispanorum quæde mirati sunt.
- 43 Equos, & Hispanos vis insidentes, loci unum corpus esse putarunt, & qualiter hunc errorem agnosce- rint.
- 44 Bombarde, & scopleti magno terrore Indis fuerunt.
- 45 Indorum de licentia, & scriptura Hispanorum admira- tio, & judicium.
- 46 Hispanos saltanter Indi vehementer mirabantur.
- 47 Indorum simplicitas, & barbaries multum aliquando Hispanis profuit.
- 48 Eclipsis Lunaris observatione qualiter Indos deluserit Columbus.
- 49 Hispani ab Indis immortales habitis, & Solis filii re- putati sunt.
- 50 Hispani cur ab Indis Peruani dicti fuerint Viracco- chis.
- 51 Barbaritas, & feritas antiqua Indorum Occidentalium ejusdem Parte carminibus explicatur.
- 52 Barbari homines, ex sententia Aristoteli, & aliorum, servi sunt, & ad servitutum nati, & cogi possunt, ut prudentioribus parent.
- 53 Venetorum hellice artis partem concedit Calcagninus adertus barbaros, qui feros mores deponere no- nunt.
- 54 Aristotelis doctrinam, Barbaros naturæ terros esse, tradentis, plurimi Auctores explicant, qui recen- sentur.
- 55 Homo ob excellentiam mentis, & rationis, ceterorum animalium dominus à Deo constitutus fuit.
- 56 Stulti & barbari sapientioribus, & politioribus subji- ci debent.

non erit mirum, aut novum, si justum, licitum imò & voluntate Dei quæsitum, ejusmodi imperium asseveremus, quo mediante tot, ac talia animi, & corporis bona victis contingerent, eorum culta barbarie, feritate frantata, mentis cæcitate Evangelii radiis illuminata, demonum captivitate depulsa, præclaris, ac salutaribus legibus institutis, fœdis ac spurcis moribus in policicos commutatis, & commerciis, & artibus adeò necessariis quibus antea carebant, communicatis.

67 Quare † justissime Thom. Bocius l. 22. de sign. Eccles. Dei, c. 1. ad medium, Indos, qui tunc sunt, præ antiquis illis fortunatissimos vocat, ob cultum, & disciplinam, quam mediante Hispanorum dominatione habuerunt. Et ut ante Nos advertit Orator in tractat. de nobilit. l. p. c. 2. n. 23. de his nostris Indis merito dici potest, quod Plutarch. in lib. de fortuna, & virtut.

68 Alexand. † de Barbaris ab ipso propugnatis scripsit, scilicet: *Beatiores fuisse multo ab Alexandro victas & subactos, quam qui cum effugerunt, cum has, perditissimè vitam agentes, nullus arcuit, nec à vitis redemit, ille vero ad feliciteram vitam, & statum vel invitò traduxit, ut ipse cum Theophrasto dicere jam possint: Perieramus, nisi perissemus.*

69 Quam rationem generaliter ad excusandam omnium Barbarorum servitutem expressit D. August. ubi supra & multi etiam considerate solent.

70 † pro captivitate Æthiopum, qui ex Africa à Lusitanis adportantur, ut refert P. Ludovic. Molin. de justitia & jure, tr. 2. disp. 34. col. 167. lit. C. Pat. Rebell. de obligat. just. lib. 1. q. 10. sect. 2. num. 16. Pat. Fr. Joan. Marq. in Gubernat. Christ. lib. 1. c. 2. pag. 10. & Nos infra lib. 3. c. 70. num. 5. † Ubi injurias esse, quibus gratiæ debeantur concludit, & illud Tertul. allegat. l. 1. br. de Palio c. 1. n. 10. Post injurie beneficium, Et potuit allegare Claud. in lib. de IV. Consulatu Honorii, ubi † contumelias illas alaparum & injuriarum verbera, quæ olim in servorum manus innotuit interveniebant, de quibus agitur in Novell. 18. & in l. ult. C. de emancip. liber. Injurias fœdices nominat, quod earum interventu libertas concederetur.

71 Tristis conditio pulsata fronte vocat illud in l. ult. in cervicem rubere genæ, tergoque removere cup. Verbera promissi factis injuria est.

72 Prout bene observat Cujac. l. 3. observat. l. 13. Per. Fab. in l. 2. de orig. jur. & lib. 2. de instr. c. 20. pag. 304. Et Casiodorum l. 1. epist. 9. Ubi de exteris agens, quid ad Romanam beneficia admittebantur: *Fœlix, inquit, & prædicta cuncta captivitas, Romana civitate perfrui, & affroyum privilegii potuisse misceri.*

73 Et non minus apte atque urgenter perpendi potest, quod profani, & sacri Scriptores multis laudibus extollunt Romanos, † eo quod barbaras nationes bello domuerint, & ad naturæ leges & politicam vivendi normam reduxerint, ut constat ex Div. August. libr. 5. de Civit. Dei, capit. 12. 15. & 17. relato in capit. omnes, §. cetera. quest. 1. & ex D. Thom. lib. 3. de regim. Princip. c. 4. 5. & 6. Thom. Bocio de Imper. virtut. lib. 2. c. 6. Rutil. Benzoniò lib. 3. de anno Jubil. c. 7. pag. 340. & seq. Just. Lips. de mag.

Roman. Imper. lib. 4. c. 1. & sequentibus. Simon Majol. tom. 1. collog. 19. pag. 436. Bernard. Al-drete de antiq. Hispan. lib. 1. cap. 2. & aliis novissimè congestis à Joanne Baptista Valenzuela in discurs. stat. & belli part. 2. consid. 22. Ubi † propter præclaros mores, & instituta, quibus se, & subactos populos gubernabant, meruisse inquit, ut Deus verus quamvis eum non cole- rent, sed demoniis, ut alia gentes immolarent, illorum augeter Imperium, ipsisque gentibus domi- nari voluerit, juxta illud Virgil.

Tu regere Imperio populos Romane memento,
Hæ tibi erunt artes, pacique imponere nomen.
Parcere subiectis & debellare superbos.

Et Sulpicia Pœntia relate à Petr. Fab. lib. 1. Se- nestr. cap. 19. pag. 119.

— Duo sunt, quibus exultit ingen.
Roma caput, virtus bellis & sapientia pacis.

Quinimò, quod plus est, † prædictum Impe- rium, his rationibus comparatum, legitimum fuisse, & permissione Dei ob egregias Romano- rum virtutes eis in mercedem temporalem con- cessum, & postea ab Ecclesia approbatum, idem August. & Thom. definitur videntur, & ultra eos Baldus in l. Barbarius, 3. lect. ad finem, ff. de of- fic. Prat. Greg. Lopez in l. 1. verb. Las gentes, tit. 1. part. 2. latissimè Anton. de Rosellis in tr. de Conciliis fol. 96. Covarrub. in Reg. peccatum 2. part. §. 9. num. 5. veri. Tertio à jure divino, Mier. de majorat. 4. part. q. 1. num. 46. Bobadil. in Polit. lib. 1. c. 2. num. 14. & novissimus Doct. Marta in tract. de jurisdic. 1. part. 5.

Quod adeò verum fuit, ut teste D. Hieron. apud Paul. Oros. lib. 7. c. 43. ipsi † Gothi, quam- vis Barbari & Romano Imperio admodum infen- si, illius nomen, & gloriam abolere desiderint, propter justitiam, & utilitatem legum, quas eo- vigente in universum Orbem sparsas agpoverunt.

In quibus omnibus, † quantum Hispani Ro- manos excellant, & quanto utiliores, ac salu- tiores leges, mores, artes, & plurima alia ad humanam vitam humaniter ac civiliter transigen- dam Indis communicaverint, apertius est, quam ut probatione aliqua egeat, & vel ex supra rela- tis liquido constat, & ex aliis, quæ adduximus supra lib. 3. c. ult. ex num. 24. & expressè docet † eruditissim. Thom. Boc. lib. 7. de signis Eccl. 77

Dei, c. 4. ad finem ubi concludit: *At nunc popu- li omnes (scilicet Barbarorum Indorum) ad Chris- ti cultum Hispanorum cura traducti, superant, vel æquant præpè Europæo cunctis humanitatis ac ci- vilis officii, ut ex illis, qui diu per illas regio- nes vagati sunt, Rome audivi, & usu percipi, cum noverim nonnullos ex his orlandos, & indige- nas, eorumque confessiones in urbe audivim, & lib. 8. c. 5. post princ. ubi eandem curam com- mendans, sic inquit: *At sane nunc illi populi mansuetudine, docilitate, religione, ac bonis moribus nos superant; & lib. 21. c. 3. ubi ait † Ne- que legitur ulli gens tot nationes tam diviti, & efferatis moribus ad humanitatem perduxisse, & evoluisse ad omnem civilem cultum, ut Hispani- ca. Quin si ceteræ cunctæ nationes hæud poterunt vitandere tot populos, tam belluinis moribus hor- rentes ad humanum vivendi genus expoluisse, ut Hispani fecerit.**

Quin-

CAPUT VIII

De auctoribus, & argumentis quibus superior barbarismi Indorum titulus insufficienter vide- tur, & qualiter Aristotel. & alii, qui contra- riam tenent, accipi debeant.

SUMMARIUM

- 1 Barbarias, & feritas Indorum absolute consideratæ non præbet justum, & sufficientem titulum ad eos debellandos, & spoiliandos.
- 2 Auctores præter adductos, qui negant, infidelibus ob solam barbariem bellum inferri posse.
- 3 Domini esse capax solam naturalis, & intellectualis creatura.
- 4 Homines licet aliqui multum barbari, sylvestres, & corpor deformes reperiantur, si tamen habent aliquem intellectum, inter creaturas rationales computari debent, & num. 6.
- 5 Monstrata omnia hominum rationalium reformata cor- poribus resurrectura sunt.
- 6 Quamcumque formam habuerint, restructuros, sen- tit D. Isidorus.
- 7 Hominum monstrorum varia species connumerantur.
- 8 Homines quantumvis sylvestres, & monstrosi, si tamen aliquod rationis habent, doceri, & excelsi possunt.
- 9 Barbaris, cum veri homines sint, jus gentium ser- vandi debet, & dominiorum distinctio eo intro- ducta.
- 10 Deus fecit nos, non ipsi nos.
- 11 Homini imputari non debet, qua forma, regione, vel docilitate nascatur.
- 12 Homines ex natura soli, vel cæli, sub quo nascun- tur, animi & corporis temperiem ut plurimum sumunt.
- 13 Lex quod si nolit, §. qui mancipia, ff. de edil. edic. illustratur.
- 14 Nationem calo, & solo falicem sortiri gloriosum est.
- 15 Indis si ob barbariam, & sylvestrem vitam bellum inferre liceret, idem licuisse dicendum esset in aliis plurimis nationibus, qua olim non minus bar- bara fuerunt.
- 16 Homines initio mundi sylvestrem vitam egisse, & ser- monis usum non habuisse, quidam false affirma- runt.
- 17 Adam fuit sapientissimus, & eloquentissimus.
- 18 Cain Ade filius materiam civitatem edificavit.
- 19 Humanum genus ubi augeti cepit, & in varias regio- nes dividi, multi homines sylvestrem, & erraticam vitam egerunt.
- 20 Homines quo pacto ad urbes, & sociabilem ac politi- cum vivendi modum reduci cepertint, cum Cicero- ne, & aliis.
- 21 Lucretii carmina referuntur de statu, & conditione hominum antiquorum tractantia.
- 22 Nationes plurimæ barbara etiam hodie reperuntur, quarum comparatione pauci sunt, quæ politice vivunt.
- 23 Barbari nominis communem definitionem non inepte notat Joan. Boter.
- 24 Nationes aliæ aliis semper barbara vise sunt.
- 25 Anacharis apophthegma.
- 26 Græci, omnes nationes Barbaras, & Barbariam op- pellabant.
- 27 Latini Barbari, & Italia Barbaria dicitur à Plauto.
- 28 Germani, & aliæ quam plures nationes Septentriona- les olim non minus fere, & barbara, quam Indis Occidentales fuisse perhibentur.
- 29 Saxonum & Hungarum prædictæ feritas, & barbaries.
- 30 Scytharum quanta fuerit olim ruditas, & barbaries.
- 31 Scythas cur Horatius profugos & campestres ap- pellet.
- 32 Batavi, qui hodie Hollandi dicuntur, olim nimis